



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Liber De Regno Dei, De Qvo Christvs Loqvvtvs Per Dies quadraginta**

**Flavin, Melchior de**

**Parisiis, 1566**

De initio regni Christi, & antiquitate.

**urn:nbn:de:hbz:466:1-29986**

qui inueniet omnia parata? At veniet  
Christus quarta vigilia noctis: omnibus  
desperatis: qui tunc clamabit ego adsum  
nolite timere, qui imperabit ventis &  
mari.

*De initio regni Christi, &  
antiquitate.*

C A P. 31.

**C**onsiderandum venit quando  
& quibus auspiciis cœperit re-  
gnum Christi: qui enim memo-  
riæ produnt regna huius mun-  
di nituntur plurimum perquirere eorum  
initia. Regnum enim Babylonicum vnū  
ex primis orbis, accepit suum intium à  
Nemroth tyranno: anno à creatione mū-  
di 2509. Regnum Ethan paulo ante à Io-  
nico quarto filio Noe. Scytharum autem  
regnum à Thanao: à quo Thanais flu- De ciuit. 18.  
uius desumpsit nomen anno 2643. Assy-  
riorum verò à Belo anno 2930. Ægyptio-  
rum autem à Sores 2773. Hispaniæ à Tu-  
bal quinto filio Iaphet anno 3109. Fran-  
corum anno Christi 452. tempore Valē-  
tiniani. Imperium Germanorum ab Ot-  
thone primo anno Christi 962. tempore  
Leonis papæ. Turcarū autem anno Chri-

DE REGNO

sti 1300. sub Othomano qui regnavit 28. annis. Regnum Persarum sub Sophi, ab Ismaele Sophi, nouo legis Machometi interprete: secundum doctrinam haly generi Machometi anno 1400. Sed regnū Christi nostri ab æterno: in præordinatione & actu: quando creata natura angelica: cuius ipse caput est. Eph. 1. & Coloss. 1. vnde Hebr. 1. cap. Adorent eum omnes angeli Dei ex Psal. 96. Illum enim constituit heredem vniuersorum: per quem fecit & sæcula omnia: dedit ei pater in manus & data est illi potestas in cælo & in terra vt moderetur & iudicet. Hanc regiam dignitatem & iudiciariam ambiuit Satan & traxit tertiam partem stellarum. pro Christo certat Michael princeps militiae cælestis & triumphauit cū suis propter sanguinem agni Apoc. 12. à quo omnis est victoria. Nam Christus est virtus patris. 1. Corint. 1. & Hebr. 1. Victus autem Satan incarceratur 2. Petr. 1. peccantibus angelis non pepercit sed rudentibus inferni detractos in barathrum tradidit cruciandos. Videbam inquit Christus Satanam de cælo cadentem. Mollitus est autem exactus regno cæli, regnare in terra

Ephes. 1.  
Coloss. 1.  
Hebr. 1.  
Psal. 96.

Apoc. 12.

1. Corint. 1.  
Hebr. 1.  
2. Petr. 1.

debellato Adam. Vnde præmisit suū ve-  
 xilliferum Behemot. *Iob. 4.* in cuius ve-  
 xillo scriptum erat, comedamus & biba-  
 mus, & c. *1. Cor. 15.* & *Esa. 22.* sub quo Adā  
 relicto vexillo & mandato Dei militat. *1. Cor. 15.*  
*Esa. 22.*  
*Gen. 3.* Sic Esau militans sub Behemot,  
 ob cibum vendidit primogeniturā. *Gen. 25.*  
*Gen. 25.* & *Hebr. 12.* Sic Israelitæ *Exo. 16.* & *32.*  
*Hebr. 12.*  
 & *Psal. 70.* Qui omnes in deserto mortui  
 sunt, quotquot exierant Ægyptum præ-  
 ter duos. Moyfes dux populi Dei missus  
 est, qui agni sanguine, figura Christi Ioā.  
*Ioā. 9.* & *19.* proscripto Satana, erexit exerci-  
 tum Dei, baptizavit & pavit. *1. Cor. 10.*  
 cui adfuit toto illo itinere Angelus Do-  
 mini. *Exod. 14. 23. 32.* Aderat & Sachina  
 quam vocāt Hebræi: id est certa Dei ha-  
 bitatio cum eis: qui apparebat loqueba-  
 tur, præcedebat & subsequēbatur. Bibe-  
 bant (inquit) de spiritali consequēte eos  
 petra: qui erat Christus. Nullum enim sa-  
 xum naturale sequutum est illum exerci-  
 tum Dei. Quare perperam exponunt  
 Zuingliani, petra erat Christus: id est fi-  
 gura Christi: imo ipsissimus erat qui se-  
 quebatur eos, qui est fons vitæ, prote-  
 ctor & conseruator populi Dei. Tandem.

DE REGNO

*Matt. 11.*

*Galat. 5.*

*Luc. 1.*

*Dan. 2.*

missus Christus præmisit suum vexilliferum Ioannem, per viam pœnitentiæ quâ clamat & verbo & ipso suo opere. Venit (inquit) Ioannes non manducans neque bibens, &c. Regnum enim Christi est regnū crucis & mortificationis carnis. Gal. 5. Qui Christi sunt carnem suam crucifixerunt: cum vitiis & concupiscentiis. Regnum igitur Christi à cruce cœpit. Nam oportuit illū pati & ita peruenire ad gloriam regni: quod cōstituit ex duobus populis: pulso Satana qui præcipuè dominabatur in gentibus. Cruce etiam alitur & retinetur hoc Regnum Christi cuius non erit finis. Luc. 1. & Dan. 2. Suscitabit Deus cœli Regnum quod in æternū non dissipabitur. Comminuet autem & consumet Regna hæc: & ipsum stabit in æternum. Christus siquidē resurgens ex mortuis non moritur. Mors illi vltra non dominabitur. Non igitur cōtinget inter regnum: erit ipse rex perpetuus cum suo populo, in quo nunc regnat per gratiam & olim in cœlo per gratiam. Itaque Rex, Populus, Lex regni, & iustitia erunt æterna.